

Resorts World Genting menyambut Ramadan bersama Anak-anak Yatim

Genting Highlands, 27 Mac 2024 – Resorts World Genting (RWG) meraikan 25 orang anak-anak yatim dari Rumah Titian Kaseh dalam sebuah majlis berbuka puasa yang istimewa di Resorts World Awana (RWA). Komitmen tanggungjawab sosial korporat kali ini melibatkan Genting Green Generation (G3), sebuah inisiatif sukarelawan kakitangan RWG yang memberi tumpuan kepada pemuliharaan alam sekitar. Majlis ini menggabungkan perpaduan antara budaya sambutan Ramadan dan usaha kelestarian sempena Earth Hour.

Anak-anak ini dihidangkan dengan pelbagai sajian Pantai Timur yang menyelerakan dan lazat di Jom Makan Awana. Mereka ternyata gembira menikmati hidangan istimewa dan mempesonakan seperti Kambing Bakar, Ayam Percik, Sup Aneka, Rendang Tok, Singgang Kelantan, Ayam Cincalok, Urab Nangka dan pelbagai jenis kuih tradisional Melayu.

Sebelum jamuan berbuka puasa, anak-anak berusia dari 5 hingga 17 tahun ini menyertai aktiviti-aktiviti bermakna yang disediakan. Aktiviti tersebut adalah menanam anak pokok di Taman Herba RWA dan menjelajah Awana Trail, di mana mereka berpeluang mempelajari dan mengetahui kepelbagaian flora dan fauna di kawasan Genting Highlands bersama-sama sukarelawan G3.

Seterusnya, anak-anak ini mempamerkan bakat seni masing-masing melalui cetakan tangan, diikuti dengan nyalaan lilin bersama sukarelawan G3 sebagai simbolik pemuliharaan alam sekitar sempena sambutan Earth Hour.

Sebagai tanda ingatan lawatan ke RWG, setiap anak menerima duit raya dan beg cenderahati yang mengandungi anak patung siamang, buku aktiviti Genting Highlands Heroes dan kit seni pasir. Sumbangan ini disempurkan oleh Dato' Sri Kay Atisha Parasuraman, Naib Presiden Komunikasi Korporat dan Perhubungan Awam, Dato' Sri Kay Atisha Parasuraman. Turut hadir ialah Encik Khew Choon Teck, Naib Presiden Resorts World Awana,

“Kami amat berbesar hati dapat memberikan peluang kepada anak-anak dari latar belakang yang kurang bernasib baik untuk menikmati aktiviti alam sekitar yang menyeronokkan dan berbuka puasa dalam suasana tenang dan nyaman di Resorts World Awana pada Ramadan kali ini,” kata Dato' Sri Kay.

RWG tetap kukuh dengan komitmennya dalam memberikan impak positif dengan melibatkan diri dan menyokong pelbagai segmen di dalam komuniti sekeliling.

“Kami amat bersyukur dan menghargai jemputan daripada RWG pada hari yang indah ini. Anak-anak kami ternyata amat gembira dapat berbuka puasa dengan hidangan buffet yang lazat di tempat percutian tropika sebegini,” kata Puan Siti Nor Ajlaa Hashim, Ketua Pentadbiran Rumah Titian Kaseh.

Untuk sebarang pertanyaan media, sila hubungi:

Ms Michelle Wong

Manager
Public Relations & Media
Genting Malaysia Berhad
Tel: (603) 6105 9608
Email: michelle.wong@rwgenting.com

Ms Evin Chan

Executive
Public Relations & Media
Genting Malaysia Berhad
Tel: (603) 2333 6742
Email: evin.chan@rwgenting.com

Mengenai Genting Malaysia

Genting Malaysia merupakan salah satu syarikat rekreasi dan hospitaliti terkemuka di peringkat global. Ia tersenarai di Bursa Malaysia dengan nilai pasaran kira-kira RM16 bilion. Genting Malaysia memiliki dan mengendalikan beberapa resort utama, antaranya Resorts World Genting (RWG) di Malaysia, Resorts World New York City (RWNYC), Resorts World Catskills (RW Catskills), dan Resorts World Hudson Valley (dimiliki 49% melalui syarikat bersekutu) di Amerika Syarikat (AS), serta Resorts World Bimini (RW Bimini) di Bahamas, Resorts World Birmingham (RW Birmingham), dan lebih daripada 30 kasino di United Kingdom (UK). Tambahan pula, Genting Malaysia juga memiliki dan mengendalikan dua resort tepi laut di Malaysia, iaitu Resorts World Kijal di Terengganu dan Resorts World Langkawi di pulau Langkawi.

Dengan lebih kurang 10,500 bilik merangkumi tujuh hotel yang berbeza, Resorts World Genting (RWG) merupakan destinasi resort bersepadu utama di Malaysia. Resort ini menawarkan pelbagai kemudahan riadah dan hiburan, termasuk permainan, taman tema, tarikan hiburan, tempat makan, kedai runcit, serta pertunjukan antarabangsa dan fasiliti konvensyen perniagaan. Genting SkyWorlds, sebuah taman tema kelas pertama yang bertaraf dunia, menjadi tarikan utama yang menambah lagi kepelbagaian hiburan di RWG. Selain itu, Genting Highlands Premium Outlets (sebuah usaha sama antara Genting Plantations Berhad dan Simon Property Group) yang terletak di pertengahan bukit, melengkapkan tawaran premium RWG yang meluas dan menegaskan kedudukannya sebagai penyedia hiburan dan riadah terkemuka di rantau ini.

Genting Malaysia merupakan sebuah entiti dalam Kumpulan Genting, sebuah korporat multinasional terkemuka yang diiktiraf sebagai peneraju dalam pengurusan di Asia. Kumpulan Genting dikendalikan oleh Tan Sri Lim Kok Thay, seorang usahawan berwawasan yang telah berjaya mencipta jenama Resorts World sebagai penggerak utama dalam sektor riadah dan hospitaliti di Malaysia, Singapura, Amerika Syarikat (AS), Bahamas, dan United Kingdom (UK). Tan Sri Lim Kok Thay turut memiliki pelaburan strategik dalam pelbagai industri di peringkat global, termasuk dalam sektor perladangan kelapa sawit, pembangunan hartanah, penjaan kuasa, minyak dan gas, pelayaran, serta bidang bioteknologi.